

UGC NET PAPER 3 JANUARY 03, 2017 SHIFT 1 RAJASTHANI QUESTION PAPER

Note : This paper contains **seventy five (75)** objective type questions of **two (2)** marks each. All questions are compulsory.

नोट : इण प्रश्नपत्र में **पिचहतर (75)** बहु-विकल्पीय प्रश्न हैं । हरेक प्रश्न सारू **दो (2)** अंक तय है । **सगळां** प्रश्नां रा पड़तर देवणा है ।

1. 'शुं तिरणौ जाणतौ तौ नदी पार कर लेवतौ ।' – इण वाक्य में अरथ री दीट सू किण भांत री क्रिया गिणीजसी ?

- | | |
|------------------------|-----------------------|
| (1) संभावनार्थक क्रिया | (2) संदेहार्थक क्रिया |
| (3) आज्ञार्थक क्रिया | (4) संकेतार्थक क्रिया |

2. 'अणदौ हालतौ – हालतौ खावै ।' – वाक्य संरचना री दीट सू औ वाक्य किण भांत री क्रिया रौ उदाहरण है ?

- | | |
|------------------------|-----------------------|
| (1) प्रेरणार्थक क्रिया | (2) नाम धातु क्रिया |
| (3) संयुक्त क्रिया | (4) पूर्णकालिक क्रिया |

3. 'आसोज महीणै अेक मेह भळै हुय जावतौ तौ घणौ ई धान निपजतौ ।' – औ किण भांत रौ वाक्य गिणीजैला ?

- | | |
|---------------------|---------------------|
| (1) संकेतवाची वाक्य | (2) आज्ञावाची वाक्य |
| (3) संदेहवाची वाक्य | (4) इच्छावाची वाक्य |

4. 'गुळ-घी' सबद में समास है –

- | | |
|-------------------|--------------------|
| (1) द्वन्द्व समास | (2) बहुब्रीहि समास |
| (3) कर्मधारय समास | (4) अव्ययीभाव समास |

5. किसै क्रम माथै लिखियोडा सगळा सबद घोड़े रा पर्यायवाची है ?

- | | |
|-------------------------|------------------------|
| (1) पंखाळ, पाकेट, दंताळ | (2) पंखाळ, केकाण, हैवर |
| (3) पतंग, अेण, रेवंत | (4) पमंग, व्याळ, माकड़ |

6. राजस्थानी री 'वागड़ी' बोली बोलीजै –
- (1) कोटा – बूंदी में (2) उदयपुर – चित्तौड़ में
(3) जोधपुर – बीकानेर में (4) डूंगरपुर – बांसवाड़ा में
7. 'माधवानल कामकन्दला' रचना राजस्थानी री किसी शैली सँ सम्बन्ध राखै ?
- (1) संत शैली (2) चारण शैली
(3) जैन शैली (4) लौकिक शैली
8. 'उमादे भटियाणी रा कवित्त' लिखणियां कवि रौ नाम है –
- (1) बारहठ आसा (2) हरिसूर
(3) लालजी मेहड़ (4) ईसरदास
9. वीरभाण रतनू किण पोथी रै मांय आपणी आंख्यां देखियै जुद्ध रौ वरणाव कियौ है ?
- (1) सूरज प्रकाश (2) राजरूपक
(3) बिन्है रासौ (4) बलवद्विलास
10. "तैया सांसु तैया मांसु, तैया देह दमोही
तो उत्तम, मिधम क्यूं जांणीजै विवरस देखौ लोही ।"
– मानव समता रौ संदेस देवणियाँ औ संत हौ –
- (1) वील्होजी (2) ऊदोजी
(3) केशोजी (4) जांभोजी
11. दस मास उदरि धरी
वळै पाळै वरस दस ।
जो इयां प्रति पाळै जीवडी,
पूत हेत पेखतां पिता प्रति,
वळै विसेखे मात बडी ॥
– कविवर पृथ्वीराज राठौड़ वेलि रै इण दोहलै में उजागर कीनी है –
- (1) पुरुस री प्रीत (2) नारी री महिमा
(3) स्त्रिस्टी री गतागत (4) पूत रौ हेत

12. 'ढोला-मारू रा दूहा' रौ सै सू पुराणौ रूप 11वीं 12वीं सदी रौ मानियौ है, उण विद्वान रौ नाम है –
- | | |
|--------------------------|--------------------------|
| (1) गौरीशंकर हीराचंद ओझा | (2) मोहनलाल दलीचंद देसाई |
| (3) हजारीप्रसाद द्विवेदी | (4) भोलाशंकर व्यास |
13. 'श्रीमंडळ' लोक वाद्य किण भांत रौ वाद्य है ?
- | | |
|-----------------|--------------------|
| (1) घन वाद्य | (2) तंत वाद्य |
| (3) सुसिर वाद्य | (4) अनुरुद्ध वाद्य |
14. 'ब्याव-बधावणै', 'तीज-तिवार' अर सामाजिक उच्छब रै माथै गायक - जातियां 'सुभराज' किया करै । औ 'सुभराज' होवै –
- | | |
|--------------------|-------------------|
| (1) कथावां रौ गान | (2) ओळभा – गान |
| (3) चेतावणी रौ गान | (4) वंस-विड़द गान |
15. 'काळ बरस में इदक-मास' इण मुहावरै रौ अरथ है
- | | |
|---------------------------|--------------------------|
| (1) काळ-कोटड़ी रौ बधापौ | (2) संकट में अणूतौ बधापौ |
| (3) लारै रैय जावण रौ संकट | (4) संकट सू बारै आवणौ |
16. 'नदियां सुत, तासु सुता रौ नायक, जिणनुं काठौ झालै ।
जळसुत मीत तासु सुत जिणनुं, घात कदै नह घालै ।।' –
इण काव्य-ओळियां मांय किसौ काव्य-दोष है ?
- | | |
|------------|-----------|
| (1) नाळछेद | (2) पखतूट |
| (3) अपस | (4) अंध |
17. 'विष्णु भगवान' रै 'जंतरबैण' रौ चोरी रौ वरणाव किसी लोकगाथा में व्हियौ है ?
- | | |
|-------------------------|-----------------------------|
| (1) काळा गोरा रौ भारत | (2) लोक भारत स्यावकरण घोड़ी |
| (3) प्रथीराज सुरजा गाथा | (4) चौपड़ रौ पवाड़ौ |
18. राजस्थान में 'तुरा कलंगी' लोकनाट्य रौ घणौ प्रचलन किण अंचल में है ?
- | | |
|------------------|------------------|
| (1) मेवात अंचल | (2) हाड़ौती अंचल |
| (3) हूंढाड़ अंचल | (4) मेवाड़ अंचल |

19. राजस्थानी भाषा साहित्य अरु संस्कृति अकादमी बीकानेर रै कार्यालय भवन रौ निर्माण किण अध्यक्ष रै कार्यकाल में व्हियौ ?

- | | |
|--------------------|-------------------------|
| (1) कैलासदान उज्वळ | (2) डॉ. सोनाराम बिश्नोई |
| (3) डॉ. देव कोठारी | (4) पूनमचंद बिश्नोई |

20. 'मंछ कवि' रै लोक चावै ग्रंथ रौ नाम हे –

- | | |
|--------------------------|----------------|
| (1) रघुवर जस प्रकास | (2) लखपत पिंगळ |
| (3) रघुनाथ रूपक गीतां रौ | (4) राज रूपक |

21. 'सौ सौ जतन करे ई तन का, आखर नीं आपांणौ ।
करणौ व्है सो झटपट कर लै, पछे पड़ै पछताणौ ॥' –
अै काव्य-ओळियां किण कवि री हे ?

- | | |
|-------------------|-------------------|
| (1) ऊमरदान लाळस | (2) बावजी चतरसिंह |
| (3) संत सुन्दरदास | (4) गणेश पुरी |

22. 'दवावैत' रा दो रूप मिलै, उणां रा नाम हे –

- | | |
|--------------------------|--------------------------|
| (1) शुद्धबंध अरु गद्यबंध | (2) पद्यबंध अरु शुद्धबंध |
| (3) गद्यजाळ अरु काव्यजाळ | (4) दवावैत अरु वचनिका |

23. 'मांहरै देस सहर में थांहरौ चाव हरख छै । सो हेकर सों सताब पधारसो ।'

– इण गद्य ओळी में आयोडै 'सताब' सबद रौ अरथ हे

- | | |
|-------------|-----------------|
| (1) जरूर | (2) बैगा |
| (3) चाव सूं | (4) संग-साथ सूं |

24. 'तउ दह लक्खि, विकाइ, मोल जाणवी मुहगेरा ।'

– अचळदास खीची री वचनिका री इण ओळी में आयोडै 'मुहगेरा' सबद रौ अरथ हे

- | | |
|-----------------|------------------------|
| (1) मुंहमांगियौ | (2) सरतौ |
| (3) महंगौ | (4) मूडै सूं नीकळियोडौ |

25. 'छह गज कळी कांगरा छाजा, पडियां ढगळ हुवै पाखाण ।
भाखै कमध सुणौ भूपतियाँ, कीरत महल अमर कमटाण ॥'
– नीचे लिखियां में सूँ औ ओळियां किण कवि री है ?
- (1) ओपा आहा री (2) ईसरदास री
(3) अमरसिंह री (4) ईसर राटौड़ री
26. 'नाडी दै पग तातौ न्याळी, थरलीलौ रंग करवै थाळी ।
चहकै बैट सिरै चांचाळी, कांठळ बंधै उतर दिस काळी ॥'
– इण ओळियां में आ बात परतख व्है कै –
- (1) बिरखा अवस ई होवैला (2) बिरखा कदैई नीं होवैला
(3) नीर अर चांचाळी मिळैला (4) थाळी नाडी में तिरैला
27. 'कोई दिन पहना कोई दिन ओढ़ा, कोई दिन चिथरा पथरणा रे ।
करणा फकीरी क्या दिलगीरी, सदा मगन मन रहणा रे ॥'
– औ काव्य-ओळियां किण रचनाकार री है ?
- (1) चरणदास री (2) समानबाई री
(3) मौरां री (4) दादू री
28. 'आद्रा पड़गी वाव, झूपड़ झोला खाव ।' – इण लोकोक्ति रौ अरथ है
- (1) आद्रा नखत में झूपड़ी हिलणी ।
(2) आद्रा नखत में वायरौ बाज्यां सूँ काळ पड़णौ ।
(3) आद्रा नखत में वायरौ वाजणौ ।
(4) आद्रा रौ वायरौ झूपड़ी सारू चोखौ होवै ।
29. राजस्थानी पत्रिकावां 'अपरंच', 'हथाई', अर 'कथेसर' रा सम्पादकां रा नाम क्रमशः किण ओळी में सही लिखियोडा है ?
- (1) गौतम अरोड़ा, रामस्वरूप किसान, दुलाराम सहारण
(2) गौतम अरोड़ा, कुमार अजय, विनोद स्वामी
(3) गौतम अरोड़ा, विनोद स्वामी, पदम मेहता
(4) गौतम अरोड़ा, भरत ओळा, रामस्वरूप किसान

30. 'हिव किरमाळ पहारि धारगढ गाहवि छंडू ।
कस बेकडी किवाड पट्टि किलवायण खंडू ।
भुजबलि भल्लइ भिडिअ भरी भय भरूयचि पइसूं ।
धरअ खंभाइच्च असुर सिर चंपवि बइसूं ।
प्रह ऊगमि पट्टणि करि, धगडायण धंधळि धरूं ।
ईडरवइ रा रणमल्ल कहि, इक्क छत्त रवि तळि करूं ॥'
— औ काव्य-ओळियां किण छंद रौ उदाहरण है ?

- | | |
|-----------|------------|
| (1) साणौर | (2) नीसाणी |
| (3) छप्पय | (4) सवेया |

31. 'अब म्है सूता नहीं रहांला,
गांव गांव आ बात कहांला ।' —
औ काव्य-ओळियां किण रौ है ?

- | | |
|----------------------|----------------------|
| (1) जयनारायण व्यास | (2) हीरालाल शास्त्री |
| (3) भैरवलाल कालाबादळ | (4) माणिक्यलाल वर्मा |

32. 'तौ रांध्यौ नहीं खावस्यां, रै वासदै निसड्डु ।
म्हें देखत थें बाळिया, लालर हंदा हड्डु ॥'
— औ दूहौ किण डिंगल कवि रौ है ?

- | | |
|--------------------|----------------------|
| (1) महारावळ हरराज | (2) पृथ्वीराज राठौड़ |
| (3) सूर्यमल्ल मौसण | (4) दुरसा आढा |

33. 'धर रावां जस डूंगरां, व्रद पोतां सत्र हांण ।
समरे मरण सुधारियौ, चहुं थोळां चहुआंण ॥'

— औ दूहौ अेक जुद्ध-भूमि में घायल डिंगल कवि कैयौ हौ । उण कवि रौ नाम है

- | | |
|----------------|------------------|
| (1) माला सांदू | (2) जग्गा खिडिया |
| (3) रामा सांदू | (4) दुरसा आढा |

34. 'पीथळ धवळा आविया, सगळी लागी खोड ।

तरुणी मत्त गयंद ज्युं, उभी मुख मरोड ॥'

– पृथ्वीराज राटौड औ दूहो आपरी किण तरुण-पत्नी नै मुख मोड उभी देख'र कैयो हौ ?

- | | |
|-------------|-------------|
| (1) रूपांदे | (2) लखांदे |
| (3) चम्पादे | (4) लालांदे |

35. 'हिरणां लांबी सींगडी, भाजण तणौ सभाव ।

सूरा छोटी दांतली, दे घण थट्टां घाव ॥' – इण दूहे में आयोडै 'थट्टां' सबद रौ अरथ है

- | | |
|---------|------------|
| (1) दळ | (2) बांबी |
| (3) राह | (4) पूंछडी |

36. 'हर बड़ा कै हिरणा बड़ा, सुगन बड़ा कै श्याम ।

अरजुन रथ नै हांकजौ, भली करजौ भगवान ॥'

– इण दूहे रौ मूळ भाव है –

- | | |
|------------------------------|-------------------------------|
| (1) सुगन नै बड़ौ बतावणौ | (2) भगवान भरोसै सुगन रौ विरोध |
| (3) अरजुन रै रथ हांकण री बात | (4) सुगन नै बड़ौ कैवणौ |

37. 'हियडइ भीतर पइसि करि, ऊगड सज्जण रूख ।

_____, नित नित नवला दूख ॥'

– ढोला मारू रौ औ दूहो है, इणरी खाली जागा री ओळी है ।

- | | |
|--------------------------|-------------------------|
| (1) नित पल्लवइ, नित सूकइ | (2) नित पल्लवइ, नित ऊगइ |
| (3) नित सूकइ, नित पल्लवइ | (4) नित ऊगइ, नित सूकइ |

38. 'हेम की कूपळी मइण की मूंद ।

सा धण उभी रे मत्त गइंद ॥' –

ऊपर री ओळियां में जिण नायिका रौ वरणाव है, उणरौ नाम है –

- | | |
|------------|------------|
| (1) मरवणी | (2) राजमती |
| (3) रुकमणी | (4) मारूई |

39. 'गिरि ऊपरि गढ थाहर, विसमी, विसमा पोळि पगार ।
ऊंचा कोटा घणी फारकी, वळी ति विसमा वार ॥'
– अँ ओळियां आदिकाल री महताऊ कृति री है, इणरै रचयिता रौ नाम है ।
- (1) श्रीधर व्यास (2) कुशललाभ
(3) कलोल (4) पद्मनाभ
40. 'खोडियै दूहै' रौ उदाहरण नीचे लिखिया दूहां में सूं किसौ है ?
- (1) कर कुटियइ कपाळ, त्रीकम तौ विमुखां तणा ।
घडी-घडी घडियाळ, वाजै वस ॥
- (2) सेणां इण संसार में, सदा सुभीतै सुक्ख ।
देखा-देखी दुक्ख, जटी तटी नै जोयलौ ॥
- (3) आवत दुख इकसार, क्या ग्यानी, क्या मूढ नै ।
इक सह धीरज धार, चीं चीं कर मत चकरिया ॥
- (4) सिर मांडव गुजरात सिर, दळ सझ कीधी दौड़ ।
उण सांगा रौ बैसणौ, चंगौं गढ चीतौड़ ॥
41. नीचे लिखियोड़ी किसी ओळी में आयोड़ी रचनावां सगळी ई इतियास सूं सम्बन्ध राखै ?
- (1) करुणबहत्तरी, राजरूपक, कान्हडदे प्रबन्ध
(2) नागदमण, वीसरलदेव रासौ, हालांझालां रा कुण्डलिया
(3) अचलदास खीची री वचनिका, सूरज प्रकाश, राव रिणमल रौ रूपक
(4) गुण निरंजन प्राण, गजमोख, राव जैतसी रौ पाघड़ी छंद
42. महादान मेहडू 'झमाल' शीर्षक सूं नगर रौ वरणाव कीनौ है, वौ नगर है
- (1) अजमेर री झमाल (2) उदैपुर री झमाल
(3) बीकानेर री झमाल (4) नरवरगढ़ री झमाल

43. 'जै जै मां मरूवाणी जै ।

नवरस पूरण वाणी जै ।।' – आ वाणी वंदना किण कवि री है ?

- | | |
|-----------------------------|---------------------|
| (1) गणेशीलाल व्यास 'उस्ताद' | (2) सत्यप्रकाश जोशी |
| (3) कन्हैयालाल सेठिया | (4) चन्द्रसिंह |

44. 'काळ रूप होय कुंभ आयौ घण कोप कर,

मुंड भारी भंडसौ छौ जाबडी दरासी छी ।

सूपड़ा सा कानड़ा छा, दांत वडा दांतां जिसा,

आंखां ऊंडा खाडा जी री नासा किंदरा सी छी ।।' –

कवि राव मोहनसिंह इण काव्य-ओळियां में किण राकस रौ वरणाव कीनौ है ?

- | | |
|-------------|------------|
| (1) कुंभकरण | (2) मेघनाद |
| (3) सुरपणखा | (4) मारीच |

45. 'दे दे पसीनो थँनै महनतां ई मान द्यो,

थारी मरदमी नै खेतौ ई वरदान द्यो ।'

– अै काव्य-ओळियां राजस्थानी भाषा री किण बोली री है ?

- | | |
|--------------|------------|
| (1) हूँडाड़ी | (2) वागड़ी |
| (3) हाड़ौती | (4) मेवाती |

46. 'डांखळा' अर 'सानेट' लिखकर राजस्थानी में अेक कवि जस कमायौ, वारौ नाम है

- | | |
|-----------------------|------------------|
| (1) मंगत बादल | (2) मोहन आलोक |
| (3) ओम पुरोहित 'कागद' | (4) विनोद स्वामी |

47. 'गढ़ ऊँचौ चित्तौड़, आबू पर छाया पड़े ।

मोरधज्ज री मौड़, कमती किण सूं किसनिया ।।' –

सम्बोधन काव्य रै इण सोरटै में आयोड़ौ 'मोरधज्ज' सबद किण किलै सूं सम्बन्ध राखै ?

- | | |
|-------------|------------|
| (1) तारागढ़ | (2) गागरौन |
| (3) जैसलमेर | (4) जोधपुर |

48. नीचे लिखियोड़ी पोथियां में सूं किसी पोथी सम्बोधन-काव्य री नीं है ?
- (1) भार्गीरथी रा दूहा (2) संबोध – सतसई
(3) सपनां री सतरंगी सांसा (4) मोतिया रा दूहा
49. नीचे दियोड़ै जोड़ै में सूं किसौ जोड़ौ भगवतीलाल व्यास री पोथियां रौ है ?
- (1) सबदराग अर अणहदनाद (2) साख अर देसूंटौ
(3) कावड अर मारग (4) इळ अर काळजै में कलम लागी आग री
50. राजस्थानी 'हास्य-व्यंग्य कविता धारा' रौ किसौ जोड़ौ सही है ?
- (1) गोरधनसिंह शेखावत - भार्गीरथसिंह भाग्य (2) बुद्धिप्रकाश पारीक अर विश्वनाथ 'विमलेश'
(3) पारस अरोड़ा अर हरीश भादाणी (4) दीन दयाल ओझा अर पुरषोत्तम छंगाणी
51. 'की चवां की न चवां, कवण सुणंदा कथ ।
मनडौ चावै रात दिन, सयणां हंदौ सथ ॥'
– ओ दूहौ राजस्थानी री किण उपबोली रौ है ?
- (1) दिखणादू मारवाडी (2) उतरादू मारवाडी
(3) उगूणी मारवाडी (4) आथूणी मारवाडी
52. 'राणियां तळेटियां ऊतरै, राजा भुगते रेस ।
_____, सरग गया सगतेस ॥'
– इण दूहै री खाळी जागा री सही ओळी है –
- (1) गढ ऊपर गोरा फिरै (2) गढ मांही गोळा पड़े
(3) गढ ऊपर गोळ्या गिरै (4) गढ ऊपर गग्घू उडै
53. किसौ नाम आधुनिक राजस्थानी रै युवा कवि रौ नीं है ?
- (1) मदनगोपाल लढ्ढा (2) ओम नागर
(3) ओमप्रकाश भायिया (4) विनोद स्वामी

54. 'सोरा कटै सपूत, दोरौ ज्यांरौ देस ।
धोरां वाळौ, डूंगर वाळौ, म्हारौ देस ।
औ वीरां रौ देस, औ कवियां रौ देस ।
औ लिछमी रौ देस ॥'
- ऐ गीति ओळियां 'म्हारौ देस' कविता री है, इण ओळियां रै कवि रौ नाम है —
- (1) कन्हैयालाल सेठिया (2) सत्यप्रकाश जोशी
(3) गजानन वर्मा (4) नारायणसिंह भाटी
55. उदयराज उज्ज्वल जिकौ सम्बोधन-काव्य लिखियौ है, उणरौ नाम है —
- (1) किसनिया रा दूहा (2) फूसिया रा सोरटा
(3) मोतिया रा सोरटा (4) भानिया रा दूहा
56. 'नेणसी री ख्यात' में स्त्री सारूं किण सबद रौ प्रयोग कियौ है ?
- (1) बैयर (2) ललना
(3) सायधण (4) लुगाई
57. जुगल परिहार राजस्थानी रा लेखक है । वै राजस्थानी री किण पत्रिका सूं जुड़ियोडा है ?
- (1) कथेसर (2) अनुसिरजण
(3) माणक (4) राजस्थली
58. 'दीनां री देवळ चढे, क्युं कोई रीस करेह ।
नागरचाळा ठाकरां, (थांमें) सांगोई गौड सिरहे ॥'
- इण दूहे में आयोडै सबद 'नागरचाळा' रौ सम्बन्ध किण आंचलिकता विशेष सूं हो ?
- (1) सिंध (2) गुजरात
(3) मालवा (4) जंगळधरा
59. नीचे लिखी कृतियां में सूं किसी कृति कन्हैयालाल सेठिया री है ?
- (1) जूझती जूण (2) मरूमंगळ
(3) अणबाच्या आंखर (4) मायड रौ हेलो

60. 'म्हारी सुरंगी सेवण घास ।

थूं है मरू जमारै आस ॥

म्हारी जुगां जुगां री जाळ ।

म्हारा अपरबळी महाकाळ ॥' – इण काव्य-ओळियां में 'अपरबळी' सबद रौ अरथ है

- | | |
|----------------|-----------------------|
| (1) बेहद बळवान | (2) जबरदस्ती रौ बळवान |
| (3) बळ रौ छळ | (4) छळगारौ बळवान |

61. रचना अर रचनाकार रौ किसौ जोड़ौ राजस्थानी कविता में राष्ट्रीयता री भावना जाग्रत करणवाळौ नीं है ?

- (1) सैनाणी – मेघराज मुकुल
- (2) पातल अर पीथळ – कन्हैयालाल सेठिया
- (3) झळ – पारस अरोड़ा
- (4) धूडकोट – गिरधारी सिंह पडिहार

62. डॉ. कन्हैयालाल सहल राजस्थान री किण सुप्रसिद्ध लोकगाथा रौ संकलन सम्पादन करियौ हौ ?

- | | |
|----------------------|----------------------|
| (1) बगडावत | (2) निहालदे – सुलतान |
| (3) नरबद – सुपियारदे | (4) कोडमदे – सारदूल |

63. राजस्थानी में 'गाडर' सबद रौ सही अर्थ है

- | | |
|------------|----------|
| (1) बकरी | (2) छाळी |
| (3) लवारकी | (4) भेड़ |

64. 'थूं है देसी रूखड़ौ, अँ परदेसी लोग ।

_____ , थूं कंह आयौ फोग ॥'

– बीकानेर रा राजा रायसिंह रै इण दूहै री खाली जागा री ओळी है –

- | | |
|-------------------------|---------------------------|
| (1) म्हानै अकबर तेड़िया | (2) म्हानै अवरंग तेड़िया |
| (3) अकबर ले आयौ अटै | (4) म्है उळझ्या अवरंग सूं |

65. नीचे लिखिया गीतां में सूं किसौ गीत 'झुरावौ' बाजै ?
- | | |
|----------------|---------------------|
| (1) झल्ले आऊवौ | (2) रिड़मल खाबड़ियौ |
| (3) रतनराणौ | (4) लाखौ फूलाणी |
66. बावजी चतरसिंह री नीचे लिखियोड़ी पोथियां में सूं किसी पोथी गद्य विधा री है ?
- | | |
|---------------------|-----------------------|
| (1) चतुर – चिंतामणि | (2) मानवमित्र रामचरित |
| (3) अलख पचीसौ | (4) हनुमान पंचक |
67. मध्यकाल रै चारण कवि 'रंगरेलो बीटू' रौ पूरौ नाम हो
- | | |
|-------------|------------|
| (1) वीरकरण | (2) वीरदान |
| (3) वीरमदास | (4) वीरदास |
68. 'लूर' नामवाळा गीत किण तिवार माथै गाईजै ?
- | | |
|-----------------|-----------------|
| (1) दीवाळी माथै | (2) आखातीज माथै |
| (3) होळी माथै | (4) दसरावै माथै |
69. नीचे लिखियोड़ै लेखकां रै नामां में सूं किसौ नाम एकांकीकार रौ नीं है ?
- | | |
|--------------------|------------------------|
| (1) आईदानसिंह भाटी | (2) गणपतिचन्द्र भंडारी |
| (3) सूर्यकरण पारीक | (4) बैजनाथ पंवार |
70. 'रोहीड़ै रा फूल' निबंध-संग्रै रा लेखक है
- | | |
|---------------------|--------------------|
| (1) सोहनदान चारण | (2) जहूर खां मेहर |
| (3) डॉ. मनोहर शर्मा | (4) शक्तिदान कविया |

71. ढोला-मारू रै नायक 'ढोला' रौ मूल नाम कांई है ?

- | | |
|--------------|----------------|
| (1) ढोलकुंवर | (2) साल्हकुंवर |
| (3) सालहावत | (4) कुंवर सी |

72. मिगसर वाव न वज्जियौ, रोयण तपी न जेट ।

_____ , रहसां वडला हेट ।। इण सुगन विचारवाळै दूहै री खाली जागा री सही ओळी है –

- | | |
|-------------------------|------------------------|
| (1) कंथा म जावां गांवडे | (2) कंथा म जावां सासरै |
| (3) कंथा म बांधौ पागडी | (4) कंथा म बांधे झूपडौ |

73. नीचै लिखिया लोक गीतां रै नामां में सूं किसौ गीत 'सुन्दरता अर रूपास' रौ है ?

- | | |
|----------|-------------|
| (1) मूमल | (2) काचबौ |
| (3) मखणौ | (4) रतनराणौ |

74. 'कूदण बाबो' संस्मरण किण पोथी में आयोडौ है अर इण पोथी रै लेखक रौ नाम आळौ जोडौ किसौ सही है ?

- | | |
|----------------------|-------------------|
| (1) उणियारा ओळूं तणा | – अस्तअली मलकाण |
| (2) उणियारा | – शिवराज छंगाणी |
| (3) ओळूं री अखियातां | – नेमनारायण जोशी |
| (4) देस-दिसावर | – अन्नाराम सुदामा |

75. 'घोड़ा हुवैज काठ रा, पिंड कीजै पाखाण ।

लोह तणा हुय लूगडा, जद दीसै जैसाण ।।'

– औ दूहौ किण कवि रौ है ?

- | | |
|---------------|-----------------|
| (1) कुशललाभ | (2) वीरदास बीटू |
| (3) बीटू सूजा | (4) बारहट आसा |

Space For Rough Work

prepp
Your Personal Exam Guide